

Малдан дулан үвлэнь белдхмн

Эн джил мана республикин колхозмуд болн совхозмуд дангъгар хойр сай шаху хөд, 100 гар мингън бол мал, 10 мингънэс улү талан тоота мөрд үвлзүлхмн.

Тер учрар, малдан дулан, сән тохнята хаша-хаацта, элвг күрх хотта, үвлэнь бурдәлгън йир ик гүджрмг төр болдж гарчана.

Болв зуг, тер бийнь, зәрм колхозмудин ахлачнр, совхозмудин директормудин бийснь, эн тускар нидн джил үзгдсн дуту-дунд йовдлмудиг, эндүсиг, эдн эн джил тоолсмн уга.

Нидн джил мал үвлзүллгънд муугъар белдснә учрар гарунь йир ик болла. Тиим йовдл эн джил гаргъдж болшго.

Малиг Хар газрур туух цаг өбрләд ирчкв. Малд дулан, сән үвлзлгъ белдлгъяр ода көдлмш ягъдж кегддж йовхинь шинджләд хәләхлә йир гундлта юмн болад бәәнә.

Республикин кесг колхозмудар болн совхозмудар, малд үвлзлгъ белдлгън унинь келхд йир хашнъгар кегддж йовна.

Юмна түрүнък ик дутунь— малд хаша-хаацинь хашнъгар тосхлгън, мал дахдж йовх улст арднъ ордж гермүд эс бәрлгън, урднъ бәәсн хаша-хаациг, әмтн бәәх гермүдиг муугъар яслгън, малин үвлзгүр өбрдүлдж хот-хоолинь оцлар збөлгън. Эн тоотиг зәрм колхозмуд болн совхозмуд сәәнәр, күмн кевәр күцәлж чаджацхахш.

Суулинък тоогъар авад хәләхлә республикин колхозмудар болн совхозмудар ода чидангъгар 448 хаша-хаац дуджана. Мал хоргъдулх 400 гар малин хоргъ, бол мал орулх 100 гар хаша, 94 басмуд—эн тоот ода чигч кегддж дуусгдал уга болдж гарчана. Тугълмуд орулх 113 хаша, шовуд орулх 64 хаша белн белад уга.

Малд хаша-хаац тосхлгъяр, әмтн бәәдг гермүд тосхлгъяр көдлмш ним муугъар кегддг учрнъ зәрм колхозмудин ахлачнрин, зәрм совхозмудин директормудин оцл, салнъ кевәр көдллгънә учр болджана.

Капитальн тосхлт делгрүлгънд гаргъгдх болдж эн джил ик мөнъгн темдггдлә. Ут туршдан капиталн тосхлт делгрүлгънд 55 сай 400 мингън арслнъ гаргъгдх бәәсмн. Сентябрь сарин нег шинд бәәх тоогъар болхла гаргъгдснъ 23 сай 300 мингън арслнъ болв, процентәр тоолхла 42 процент.

Капитальн тосхлтд нерәдгд-

сн мөнъгиг муугъар олзлцхасн совхозмудиг заахла, түрүн болдж ним совхозмудин тускар келх кергтә: „Южный“ (директорнъ Пржилуцкий), „Сарпа“ (директорнъ Рубан), „Северный“ (директорнъ Ланговой), нань чигн тиим кесг совхозмуд бәәнә.

Иим кевәр цаарандан көдлдж болшго.

КПСС-н районн комитетс болв чигн, райодин күцәгч комитетс болв чигн, эн совхозмуд иигәд керг күцәлго, капиталн тосхлтан эвдәд, малдан кергтә хаша-хаацан тосхлдж эс чадад, әмтн бәәх гермүд тосхлго, әмтиг гермүдәр түрәггәд бәәх болхла, элнә гардачнриннъ өмн батта неквр тәвдж, эдниг сәәнәр көллүлцхәх учрта.

Селәнә эдл-ахун нуурт йовх көдләчнрин, эн джилин зунар болсн совешань деер, мал хәләдг улст нерәддж, колхозмудин болн совхозмудин чидләр, әмтн бәәх 800 гермүд, тер тоод чабанрт 500 гермүд бәрх болдж даалгъвр авгдла. Болв зуг, тер тоотас әрән гидж 136 гермүд бәргдсн бәәнә.

Приозерн районд зурагъар темдггдсн 40 хашагъас 9-хи кегддж, чабанмудт нерәдгддж кегдх бәәсн 52 гермүдәс 17 гермүд тосхгддж.

Эдү мет, тосхлтин көдлмш Приютненск районд бас муугъар кегддж йовна.

Мал үвлзүллгънд белддж йовх белдврин көдлмш, ода олдн әмтнә ик өргмджтә цагла делгрүлгдлжәнә.

Хамг олдн зүсн көдлмшт харгължих дуту-дунд йовдлмудиг түргәр уга келгън, производственн шинд илврмүд бәрлгън—мана цуг колхозмудин болн совхозмудин, КПСС-н XXI хург уктдж, эркн биш күцәх зөвтә төрмүднъ.

Советск Союзин Коммунистическ партин XXI хург хуралгън, мана орн-нутгин цаарандк өслтд элдү ик чинр зүүхмн.

Эн хургиг, Октябрин 41-ч джилә өбниг, Хальмг АССР-н Деел Советд сунгъгъвр кех өдриг уктдж, мана республикәр күчтә гилг социалистическ дөрлдән делгрдж йовна.

Малдан дулан, сән үвлзньг белддж чадхла, малиннь хаша-хаацинь, мал хәләддж харджих улст гермүдинь цаглянь кедж теткәд, малан үвлин цагла таргълнъ-цадхлнъ бәрхин эркд цуг хамг кергтә тоотинь күцәддж чадхла, тегәд тер күчтә социалистическ дөрлдәнә ашнъ ончта сән болв гидж келдж болджана.